



BOSNIA AND HERZEGOVINA
Ministry of Foreign Trade and Economic Relations
Veterinary Office of Bosnia and Herzegovina

Na osnovu člana 10. st. 5. i 6. Zakona o veterinarstvu u Bosni i Hercegovini („Službeni glasnik BiH“, broj 34/02) i priloga I, poglavlja B, tačke 2. Programa mjera zdravstvene zaštite životinja i njihovog provođenja u 2022. godini (broj: 02-4-27-22-69-2/22 od 19.05.2022. godine) i člana 3. stav (3) Odluke o višegodišnjem programu mjera kontrole i iskorjenjivanja bruceloze malih preživara u Bosni i Hercegovini za period 2022 – 2026. godine (broj: 02-2-27-21-457-1/22 od 19.05.2022. godine), Ured za veterinarstvo Bosne i Hercegovine u saradnji sa nadležnim tijelima entiteta i Brčko Distrikta Bosne i Hercegovine, donosi

UPUTSTVO

O ORGANIZOVANJU PROVOĐENJA VAKCINACIJE PROTIV BRUCELOZE MALIH PREŽIVARA U 2022. GODINI

Član 1.

Ovim Uputstvom propisuje se način provođenja vakcinacije malih preživara protiv bruceloze u 2022. godini u Bosni i Hercegovini i dostavljanje potrebne dokumentacije.

Član 2.

- (1) Obavezna vakcinacija vakcinom OCUREV Rev 1 pripremljenom za konjunktivalnu aplikaciju provodi se kod malih preživara starosne dobi od tri do šest mjeseci.
- (2) Pored malih preživara starosne dobi od tri do šest mjeseci, izvršice se vakcinacija svih malih preživara starijih od 6 mjeseci koji nisu obuhvaćeni vakcinacijom zbog gravidnosti, zdravstvenih ili drugih razloga u prethodnim godinama, uz obavezno označavanje identifikacijskom i vakcinalnom ušnom markicom ukoliko isti nisu prethodno označeni identifikacijskom ušnom markicom.
- (3) Označavanje identifikacijskim ušnim markicama provodi se u skladu sa odredbama Pravilnika o označavanju i kontroli kretanja životinja u Bosni i Hercegovini („Službeni glasnik BiH“, br. 13/10, 79/10, 25/11, 103/11 i 41/12, 52/15, 2/16 i 66/16).
- (4) Nadzor nad implementacijom programa provodi Ured za veterinarstvo Bosne i Hercegovine (u daljem tekstu: Ured) i nadležna entitetska ministarstva poljoprivrede, te odjeljenje za poljoprivredu Brčko Distrikta Bosne i Hercegovine, a inspekcijски nadzor provode nadležna veterinarska inspekcijска tijela za područje svoje nadležnosti o čemu dostavljaju izvještaje Uredu i nadležnim entitetskim ministarstvima poljoprivrede i odjeljenju za poljoprivredu Brčko Distrikta Bosne i Hercegovine.

Član 3.

- (1) Plan vakcinacije/distribucije svaki za svoje područje nadležnosti, donose: Federalno ministarstvo poljoprivrede, vodoprivrede i šumarstva, Ministarstvo poljoprivrede, šumarstva i vodoprivrede Republike Srpske i Odjel za poljoprivredu, šumarstvo i vodoprivredu Brčko Distrikta Bosne i Hercegovine (u daljem tekstu: nadležna tijela entiteta i Brčko Distrikta BiH), koji dostavljaju Uredu a on ga objedinjuje u konačni Plan distribucije za tekuću godinu.
- (2) Raspodjela materijala za provođenje vakcinacije u Bosni i Hercegovini vršice se sukcesivno prema veterinarskim organizacijama od strane Agencije za označavanje životinja za područje Federacije Bosne i Hercegovine i Brčko Distrikta Bosne i Hercegovine, a za područje Republike Srpske raspodjelu će vršiti Ministarstvo poljoprivrede, šumarstva i vodoprivrede Republike Srpske, u skladu sa konačnim planom iz stava (1) ovog člana

- (3) Svim veterinarskim organizacijama će u toku implementacije programa vakcinacije biti dostavljeni ugovori o implementaciji delegiranih zadataka na vakcinaciji malih preživara protiv bruceloze.
- (4) Redistribucija između veterinarskih organizacija će biti omogućena samo između veterinarskih organizacija iz plana vakcinacije/distribucije. Primopredaja materijala i opreme mora biti praćena odgovarajućom dokumentacijom (forma reversa), koja će se dostavljati nadležnim tijelima entiteta i Brčko Distrikta BiH, najkasnije pet dana nakon obavljene redistribucije, a oni Uredu.
- (5) Svaka veterinarska organizacija je dužna, nakon 31.12.2022. godine, obavjestiti nadležna entitetska ministarstva poljoprivrede i Odjel za poljoprivredu Brčko Distrikta BiH o količinama neiskorištene opreme i materijala (vaccine, ušnih markica, obrazaca i zaštitne opreme).
- (6) U slučaju ne pridržavanja u potpunosti ovog Uputstva i ostalih propisa koji uređuju ovu oblast, nadležna tijela entiteta i Brčko Distrikta BiH imaju pravo isključiti bilo koju veterinarsku organizaciju iz daljeg provođenja programa.

Član 4.

- (1) Ured će prema veterinarskim organizacijama vršiti plaćanje faktura za provedenu vakcinaciju u toku 2022. godine u skladu sa Planom iz člana 3. stav (1) ovog Uputstva.
- (2) Svaka faktura dostavljena od strane veterinarske organizacije Uredu, mora biti praćena u potpunosti pravilno popunjenim originalnim primjercima Obrazaca o provedenim mjerama vakcinacije protiv bruceloze, a u Republici Srpskoj sve mjere propisane ovim Uputstvom se evidentiraju putem Veterinarskog informacionog sistema Republike Srpske iz koga se generiše dokument potvrde o vakcinaciji koji se dostavlja uz fakturu.
- (3) Veterinarske organizacije su dužne dostaviti dokumentaciju iz stava (2) ovog člana Uredu do 5. u mjesecu za mjere provedene u predhodnom mjesecu, dok u suprotnom istima neće biti plaćeni troškovi provođenja vakcinacije.
- (4) Veterinarske organizacije su dužne direktno u jedinstvenu bazu podataka o označenim životinjama upisati datum vakcinacije svake životinje.
- (5) Prilikom dostavljanja prve fakture, veterinarska organizacija je dužna dostaviti i potpisan Ugovor iz člana 3. stava (4) ovog Uputstva.
- (6) Plaćanje prema veterinarskim organizacijama neće se vršiti prije usvajanja konačnog plana iz člana 3. stava (1) ovog Uputstva za tekuću godinu i dostavljanja kompletne dokumentacije iz st (2), (3) i (5) ovog člana.

Član 5.


Troškove provođenja vakcinacije od strane veterinarskih organizacija u iznosu od 3,00 KM po životinji (bez PDV-a) snosi Ured iz sredstava budžeta.

Član 6.

Stupanjem na snagu ovog Uputstva, stavlja se van snage Uputstvo broj 02-2-27-20-22-2/19 od 23.01.2019. godine.

Član 7.

Ovo Uputstvo stupa na snagu danom donošenja.



DIREKTOR

Sasa Bošković, dr vet med.

Broj 02-2-27-21-457-2/22

Datum: 19.05.2022